

LA LISTE-PRYSE

SA sjef een van wêreld se bestes

‘Moeder Natuur speel die hoofrol’

Carla Lewis

Restaurant Mosaic in Elandsfontein, buite Hartbeespoortdam, het gisteraand kulinêre geskiedenis gemaak toe hy by die Franse La Liste World Restaurant Awards as Suid-Afrika se beste restaurant bekroon is.

Dit is die eerste keer dat 'n Gautengse restaurant die prys verower.

Chantel Dartnall, Mosaic se hoofsjef, het gister haar prys op 'n eksklusieve prysgeleentheid in Parys ontvang waar La Liste die wêreld se 60 beste sjefs vir hul kulinêre kuns vereer het.

Restaurant Mosaic se finale puntetelling was 94% en hy beklei die algehele 12de plek op die wêreldranglys.

Hiermee bevind Dartnall haar in die uitgelese geselskap van sjefs soos Guy Savoy, Alain Ducasse en Éric Ripert, wie se restaurante almal ook op die lys verskyn.

Sedert La Liste in 2017 begin is, het die restaurant se naam elke jaar onder die wêreld se 1 000 beste restaurante gepryk. Die restaurant is ook vanjaar vereer vir die beste wynlys ter wêreld.

“Ons is ongelooflik trots daarop om internasionale erkenning van dié kaliber te ontvang en in die geselskap te kan wees van soveel talentvolle sjefs, vir wie ons net die hoogste agting het,” het Dartnall gister in Parys gesê.

“Ons is natuurlik ook in die sewende hemel om Suid-Afrika op so 'n globalevlak te verteenwoordig.”

Sy beskryf haar geregte as “botaniese fynproewerskos – waar Moeder Natuur die hoofrol op elke bord speel”.

“Elke geregt word spesiaal ontwerp om die skoonheid, balans, harmonie en suiwerheid van die natuur na te boots.”

“Ek probeer die natuur se verskillende nuanse vasvang, maar bestudeer ook die medisinale eienskappe van die speserye en



Chantel Dartnall, Restaurant Mosaic se hoofsjef, word as een van die wêreld se voorste hoofsjefs gereken.

Foto: CARLA LEWIS

Wat is dit?

Die La Liste World Restaurant-pryse – wat deur Frankryk se departement van buitelandse sake onderskryf word – vereer sjefs en kulinêre spesialiste van oor die wêreld heen.

Dit word wêreldwyd as een van die gesogste en toonaangewendste restaurantpryse gereken.

20 000 restaurante in 190 lande word oorweeg vir hierdie pryse.

'n Goeie jaar

Restaurant Mosaic het vanjaar die volgende verower:

■ **La Liste 2019:** Die restaurant met die beste wynlys ter wêreld;

■ **La Liste 2019:** Een van die top-200-restaurante ter wêreld;

■ **Wine Spectator Grand Award 2019:** Dié prys word slegs aan 100 restaurante wêreldwyd toegeken wat 'n uitsonderlik hoë standaard met hul wynlys, wynkelder en kliëntediens handhaaf;

■ **The Best Chef Awards 2019:** Dartnall is as een van die wêreld se top-300-sjefs aangewys;

■ **World of Fine Wine World's Best Wine Lists Awards 2019:** Wenner: Beste wynlys ter wêreld; en

■ **Haute Grandeur Global Awards 2019:** Beste sjef in Afrika

94%

Restaurant Mosaic se finale puntetelling by die La Liste World Restaurant Awards.

ook 'n sensoriese ervaring moet wees. “Dis belangrik om geregte berei wat al die sintuie prikkel, van die oomblik dat dit by jou tafel aankom.”

“Dit moet 'n fees vir die oë en jou smaakkoppies wees.”

Dartnall het ook verlede maand 'n opskudding in Suid-Afrika se restaurantbedryf veroorsaak toe sy Restaurant Mosaic aan die Eat Out-pryse onttrek het. Die restaurant was die enigste een buite die Wes-Kaap op die toptienlys en het landwyd die negende plek behaal.

“Dit was die tiende keer dat ons die lys gehaal het, maar ek voel dis nou tyd dat ons ons daaraan onttrek sodat 'n nuwe generasie van sjefs en restaurante ook erkenning kan kry,” het sy verlede maand in 'n verklaaring gesê.

kruie wat ek in my geregte gebruik om my gaste se vertering en bloedsirkulasie aan te help.”

Dartnall glo dat 'n geregt nie net lekker moet smaak nie, maar